

列聖御製
利

列聖御製目錄

卷之五

成宗大王詩

卷之六

成宗大王文

中宗大王詩

文

列聖御製卷之五

宗簿寺提調顯祿大夫朗善君臣侯奉教

宗簿寺提調嘉善司憲府司憲兼弘文館提學藝文館提學教習館事知經筵春秋館事臣權愈奉教

成宗大王

詩

壬寅年元日內宴詩見大東詩林

臣有懷報達無由謹以詩筆爲元日進

三殿

三元佳氣妙春陽斗柄東回百物香臘雪欲消迎
曉日東風送暖入椒觴門門鷄唱千一本作新年瑞

殿殿雲開舊日光罔極情懷何以報唯知慶祚祝
靈長

月山大君臣嫔風月亭集有奉和御製
元日內宴詩曰乾坤和氣協新陽風景如
薰禁苑香閭闔九門迎木德君王萬歲
捧金觴旌旗望見雲烟色宮殿回看日
月光佳節已知供盛事
歡呼聖壽與天長

頒甲春初喜色來雲凝殿裏瑞光開椒花香動

千年頌栢葉青浮萬壽杯義日未消千嶂雪舜

風先放一園梅乾坤萬象真如舊屈指嘉祥未罄
枚

玉曆初頒歲月新桃符換舊太平辰心中切切椒

花頌 壽上欣欣卯酒春氣暖旋催黃柳眼風和
先發白梅身祥雲瑞靄觚稜繞知是年年 福祿
臻

詩林曰壬寅正月一日
大名曰主上作詩獻我
○命在坐文臣及宗親和進
詳臣鄭昌孫應製序

幸景福宮謁 大王大妃奉壽觴親製一詩

以獻以下并舊本

椒殿祥凝福自宜陽來覆載亦如私蟠桃閨苑三
千歲古栢人間一百圍今日來開王母宴一心猶
勝老萊嬉 壽觴縱醉 恩何盡晨夕長知奉罔

違

賜月山大君婷

下同

夫宴所以相時節而開歡暢懷者也然不
以其時而徒悅淹沉之樂災作浩蕩之情
則病自生於筋骨雖有飲酒之樂絃管之
妙烏能以飽諸心而順其心乎今日之賜
歡維其時矣何以知其然耶方今 慈闈
奉怡愉之色疆場無刁斗之警民安而樂
業年豐而事閑此可以謂樂而亦有所恐
懼者焉雖然玩秋行樂其在此時乎但兄

患疾須慎乎盪觴之思耳併寫蕪稿用以
一哂勿輕眎人

清秋讌樂世人求安似羣賢賜館遊常日誰從管
城子此時渾拜醉鄉侯添春座上飛鸚鵡吹鳳聲
中舞鴈鷗賞得年華歡趣極一生何處破清愁
賜宴官軒寵已濃開尊四座動春風渾忘世務明
朝上多樂清歡此日中一任風花隨意好何驚事
業轉頭空應知勝日轟然醉更俟銀蟾上海東

送梨花酒并序

昔儀狄作酒禹飲而絕之大聖之心其慮

弘遠矣楚宣以酒薄攻魯趙七國之君其
謀淺狹也千日之釀無足以養性百斛之
味不可以垂法夫梨花異於此色比於六
出見之則心自潔味勝乎醍醐飲之則渴
必消予惟禹之甘者酒之真也而楚之怒
者威之發也今也尊兄遭功親之愛坐族
服之義寂然在軒傷矣思人雖有千日釀
不應醉矣況無百斛之貯安所漉耶予以
想炎蒸畏景鬱結翳陰琴聲絕而塵易埋
客車稀而門欲掩尤增悲念者惟予一人

而已今以承 慈澤梨花酒一缸少慰寂

寞云

色比梨花味則加過喉秋井玉泉斜松醪未可同
朝嗅竹葉那堪一啜嗟清馥更憐先喫齒軟姿誰
識欲傾紗相如恨不知爲早多飲還清勝雀茶

安否予所得日本國王所送鉚鍔各一金扇
子五把贈焉勿謝并走筆

遠人懷義渡滄波鮫市應驚蜃屋多珍寶滿庭誠
款著國王修聘禮儀嗟寡躬慙乏梯山德一日唯
開錫燕歌自是南方無一事黎民比屋樂如何

春盡花落何嫌萬苑寂寥天將大雨方歡西
成之望憶兄寂坐以贈拙篇勿笑求正

近步芳溪無我知萬般紅紫不多時莫禁花落蜂
遊急難聽春歸鳥哢移雨沼耳喧蛙鼓吹晝簷心
穩燕生涯四時雖是自然理空送年華敢滯期

頃雨後饗人修職網中鮒於箭串薦一盤于
閑日予偶觀其身皆不死開口欲吸水之汲
汲予自憐之俾升數斗之水圉圉然如西湖
之樂感之送二尾于尊兄并詩破寂炙之烹
之任兄之意放之泳之適兄之心勿笑拙詩

雨後苔痕水面青
綠間魚族戲蘋汀
網來翻藻銀梭擲
釣出拖絲玉尺停
撥刺應無虞洄轍
悠揚寧識小滄溟
勺泉心擬濠梁樂
鼓鬣如遊子產庭

慰寂詩一首七夕二首求正

金井梧桐一葉秋
星河淡淡淨如流
鵲橋天上新秋節
蛛網人間巧夕樓
情想繆悠凝別眼
事荒冲漠絕良籌
羞聞機態煞無厭
消息雲衢信有不
銀河秋早火星流
露滴梧桐乞巧樓
欲得金梭誰有喜
難逢駕鶴我無愁
靈槎未信千年事
雲帳遙疑一誓秋
楹外蟾來天似晝
元宗今夕笑牽牛

右七夕

歟忽年光轉九秋積霖窓外有鳴鳩竹涼宵聽風
聲勁蛩響朝看露色浮深院久停韶護樂金尊空
瀉綠雲油明朝病愈來閭闔須折萱花銷斛愁

右慰寂

聞今日兄得男不堪慶賀先作喜詩後當展
懷

仙花爛熳帶春和久識香枝結子多前夜壽星垂
彩下今朝英物動人眠夢知玉燕飛懷裏蚌告明
珠出淵阿此日予歡何盡道教人須唱弄璋歌

今日欲見豐川而適大君登望遠亭遣僮僕
邀駙馬駙馬欲往故因往拙詩勿笑

誰是風流第一人華亭已上百年春興長自有人
間富樂極應忘世上嗔江山物色堪清畫松竹禽
聲作四隣思笑七林狂醉輩豈如今日氣嘉賓

予病餘憶兄拙賦近體勿笑是和

病餘愁思逐閑生炎赫隆隆麥未榮樑燕嚙泥粘
却落宮鶯如響聽非聲沉沉晝景烘如火寂寂低
軒念在兄何日天瓢傾數夕一催檀板共金觥

今日以觀水戰幸尊兄之華亭予心甚有快

焉知所以心快而不披中情安知此趣之無
盡也歟聊將薄物用眎寸忱云且錄之如左
兼以拙詩上品紗一匹照房良馬一匹紗帖
里一襲木綿五十匹胡椒十斗二張浮油席

二浮

海波千里啗平檣駿骨輕蹄到處颺馴氣已啣天
駟影雄姿自得月氏良黑毛濃漶山雲合血汗時
流獵跡長幸得龍媒思伯樂牽來贈欲老騰驤

又

望遠登臨水拍天主人迎我笑聲先松陰滿檻秋

光動雲影搖尊醉色牽危坐便知財一粟相談何
遠享千年雖慙薄物難充寶洞我深情作缺仙

賜鷹一連并詩勿謝

我得蒼鷹毛骨清一飛千野衆禽驚韞邊萬里心
先發呼處多能氣自呈却憶尊兄開別墅深知錦
雉送春聲纖纖雨霽花明日應不忘吾選貺情

閑暇暫刻爲兄寂寞和副天使謁箕子墓第
一詩韻勿以爭爲嗤但以知懸絕爲笑

聖人兵甲不煩戈邦喜攻徒反蹂磨淪喪罔臣封
遠國忝離思主憶悲歌八條聲教民知禮虛閣春

風月掛蘿陳範駕驂來壤日應知世路似奔波

咏新種紅縷花

半花鈿粉巧粧紅移植南薰細雨中
啣露似聞催鼓笑飄香不負欲酣翁
蝶驚然火翩嫌近鶯妬纏頭韻勵空
今日太平歡事極豈妨醺去洗愁腦

初五日有慶事故送新製御衣兼詩一篇勿
謝

寶織新成玉杼中暮山千里落雲紅
耀瞳已越火浣毳絕價還輕金線絨
出手秋衣裁處羨滿園霜葉望中空
英豪此時世爲最穩著酣春氣奪虹

予惟春與秋一興弟與兄同志敢將秋物兼
附弟情惟兄察受且菊花律二詩春花詩一
律不哂諒察深所願也

烟覆籬邊菊晚叢小軒清
讌興無窮繁花不覓貪
花蝶踈葉專無撲葉虫寒影低遮雲月下清香輕
鎖酒杯中伊吾兄弟慇懃意疇識當時萬世通
淡烟踈雨九秋軒耀日繁金艷晚根生處不唯依
玉砌要時先許泛金尊
謾將香臍霜中立閑帶清
風月下翻彭澤九泉無植玩只看叢露有悲痕

右菊花

春燕輕身此可堪理鬟雲月最宜男
顰脂半面紅蓮妬羅綺開曾白雪涵言
缺缺疑花爛熳靜顏難
度意和湛吾看此景兄看趣先告音容
臆說慙

右春花

安否數日不來未認厥由恐有其故自生曲
慮作簡且詩用篤情愧

有事神明社稷壇齋心獨坐小堂寒一窓空響芭
蕉雨滿砌繁開荔子團對此豈無深所想送秋那
忍強爲寬嫣然笑語非兒女今古誰踰兄弟難

階前佛頭花盛開予翫之因折一枝憶兄寂

坐作詩一首非封送也

雪作精神玉作容玲瓏庭院弄薰風肯隨桃李媚
春色暗許冰霜老化工纍髻也知僧妄禮姮娥那
卹羿成矇花前置酒要須飲艷剩爭看醉面紅

遣中使李孝智送宣醞并詩

羣山壓雪玉芙蓉立馬峯頭恨不空遙望白雲城
闕近細瞻蒼靄樹林重呼鷹逐兔窮三窟縱犬追
獐貫十終如雉如鷓不足數濁來宜慰送春風

夏日憶兄寂坐送紅燒酒五壺黃梨百箇兼
寄拙詩數篇勿笑勿笑求正

殿閣微涼日半斜靜然危坐截紛拏非空不是叅
禪意對晚聊成解慍嗟花賞金錢貧欲濟酒斟紅
露醉知涯憶兄汗透羅衣滴御暑流涎莫此加

早春見暎山紅憶兄寂坐爲賦封送

早春新見杜鵑花愁殺巴山夢思多開處粧香升
帝室啼聲飛夜落人家搖紅淡影看長好耦白深
情愧莫過誰識鶴林奇絕事哀魂千載作詩魔

受所進鮮魚六尾甚喜報之以詩所酬在他
日也

亭外山光接水光十分清興麥風涼坐看漁子拏

舟去行盡湖頭擊鮮長鉤網銀刀誰鑄出飛程駿
馬豈能防觀魚自處濠梁樂暴額何曾免故鄉

夜坐對雪賦戲律一笑

風攬碧霄氣轉嚴六花飄亂半堆鹽粧成宮苑梅
千樹蕩漾雕欄玉四簷雞誤曉來三搏翼雀驚枝
折數回瞻憶兄家興有堪樂低唱淺斟心不厭

端午日爲兄拙作勿陋求正

宮苑扶疎夏木深開筵獻壽樂難禁上塲新麥知
年稔收簇金蠶喜晏陰旣賜梟羹奸者遠更傾蒲
酒醉人森祓禳艾千門結浮安寧如簡會心

安否今賜送人參茶三斤并近體一篇一晒
茗茶題品極森森根托遼陽石路深兩脚雪花安
足議小籠團鳳不曾琛豈隨靈鹿尋香積惟趁清
風擣玉砧要濯心腸煎活火一甌須笑漉巾斟

予有別樣木綿一匹憶兄今賜并書拙詩勿

謝只和

聘巧誰移蜀國機織來織作慶雲飛多明豈愧千
絲錦不侈堪誇五綵衣春苑漸低楊柳綠宮筵頻
擁杏桃翻於斯細着開歡笑每日園中盡醉歸

賀得男詩并序

予以薄祚未獲天休一歲之中連失大相
予心痛悼言莫盡焉今日始聞兄於十四
日夜得男子予喜無比予惟憂樂相來理
之常也聞如此一家之大慶安敢以纏然
力拘而默默度歟僅寫賀詩二首幸納

堂上貪看第二珠盆中誰織鳳凰雛脫非玉燕投
飛月政是天麟變化秋骨秀暗知維岳降姿缺缺
缺與蘭由遙思兄意何藏齒來歲掀髯喜食牛

鬱葱佳氣夜半來慶得充閭喜溢腮熊夢信知詩
不浪石麟曾恠世難媒高門賀客喧填駟餅水芳

心獨占魁雖錯弄璋慙掩口亦觀溫秀異年才

今日乃兄之生日以前日所進尖橫寫近體
詩一篇并展忱簿物如左勿笑

甲冬南極壽星生暎帶銀河輝太清嶽瀆精英人
頌久璿源玉質簡圖明年年笑看靈椿老歲歲欣
酡臘酒香今日開尊非偽顏誰知流載播芳聲

綠紗帽一鴉青花紋衣一獬皮耳掩一桃紅
木綿單團領一草綠雲紋匹段襦加文刺一
大紅紬帖里一白紬裹肚一汗衫一襦袴一
沉香木純金粧梨帶一鹿皮靴一今日有雨

勢而雲輕不勝悶悶爲之一篇

滿襟涼意此時颺
佇思鳴簷沃萬焦
四望自歡雲似墨
一心惟冀雨翻瓢
陽驕恐絕豐年兆
龍情愁成早魃妖
何日洗天霖雨落
樂聞朝野笑聲囂

今日遣中官慰來曠
庭且賜拙詩一以眎
緬邈之情一以篤
鵠原之缺云

構亭迢遞可遨遊
高爽深情寄九秋
清氣溢襟浮遠跡
芳聲載路越青丘
北山月趁雲霽影
南澗風隨水響流
出郭少塵佳興滿
一杯清酒易療愁

爲尊兄之丈人平陽別作律詩欲記碑尾以

聖御集卷之三
三
眎寵兄也

先朝身許國安危功在山河上鼎彝爽氣空留圖
畫裏英才今想惡難時石床苔覆山羊睡欒隴雲
深野馬嘶野草月明秋露滿行人幾欲問爲誰

爲兄往全州戲筆

春日江山霽景鮮全州一帶錦江邊花張素錦繁
如纈草亂青袍軟勝綿極目銷愁寬望界停車溢
喜覲芳年紅粧幾處留情久扶醉忘歸坐玳筵

詠春雪

曉來天氣逼人寒俄散瓊花撲盡欄壓樹欺梅羞

剪刻因風如絮學盤桓爐邊未辨鎔銀屑樓外渾
成鎖玉巒潤麥農歌膏澤大賞中還覺此心歡

四月雨後憶兄寂歷用錄宮中事爲破悶勿

笑

曉出朱闌踏綠溪南薰滿面覺天倪雨晴人氣清
花塢風缺鶯聲繞柳堤不羨蓬山嗤漢使何須翠
黛慕唐梨惟開一奏昇平樂歡與唐陽及日西

立春日得江梅一枝憶兄拙賦求和

暖律先知嶰管灰紅梅忽見數枝開初如絳雪隨
風點晚勝芳魂入夢來慙抹臙脂缺漢額謾誇冰

雪燕吳臺豈循覆轍貪妍媚唯引清香泛玉杯

以所得柑與橘各一百枚并書近體詩二首
求正望和勿笑

霜顥初來滿眼黃泥山仙種植星房登航錯落珠
排海入闕馨香玉作漿遶齒流泉堪第一喫人霏
霧更非常愧無羅帕然甘缺惟欲尋情伴酒嘗

右柑

憶兄酒後思新橘始得猶酸色未黃的皪豈同桃
李子芳新肯比枳振香甘成石蜜皤翁笑金鑄彈
丸公子揚欲飲瓊漿王母遠不如醉裏恣心嘗

右摘

今送雀舌茶聞人之求也兼以人參五斤同
於雀舌之用也兼拙稿勿笑且除禮

我嗜嶺南雀舌茶常煎活火比丹砂何須北苑求
佳茗且摘南湖勝棟芽一盞輕風生兩腋數株香
顆絕三花酒醒呼渴療無筭細酌初來手幾遮

又

人形爲貴產遼東團鳳雖佳詎少同沸鼎玉濤清
夜起滿甌香燄武陵逢飲來倍覺心腸好收去多
嫌酒盞空堪缺膏油欺不識朝朝須可倒金鍾

遣宣慰使豐川尉及李孝智以篤親親之義
并詩勿怒惟笑

梅雨初晴景倍嘉
華亭春日錦烟霞
閑多自覺登臨數
目極還驚望遠賒
樂許佳賓分半席
靜饒飛鷺占平沙
知兄此處吟情豁
故送宮壺一醉華

又

吟鞭西指白鷗洲
曉上華亭俯碧流
烟渚遠迷青草
雨棹歌清入五湖
舟柳堤風送鶯聲
好花逕香薰日氣
浮江上年華春興
滿如兄千古孰藏
愁

又

華亭落落與雲平檻外澄江一派橫芳草連天春
雨綠翠巒浮地海風清楚雲萬里侵軒繞吳樹千
重入座明遙憶兄懷不盡興更驅歌妓起纖聲

匪懈堂四十八詠

五詠缺

一樹寒梅傍薜莎小窓晴夜映屏紗幽香淡淡春
如早踈影離離月欲斜姑射精神來水國太真嬌
態喚詩魔拈吹玉笛聲高處愁斷何人啜雪茶

右梅窓素月

幽逕陰陰竹掩臯蕭森寒影暎秋交暉暉淨日翻
湘淚颯颯清風寄楚騷製律粲然韶盡美聽梅淒

也韻孤高烟濃只賞水霜氣何用區區六七號

右竹逕清風

燒霞奇艷出天東浩態濃香笑翠籠夢斷蠻風與
蜃雨色隨春日故園同翻階蜀錦圍金谷向檻吳
姝倩臉紅幾借花神粧巧對使人如在玉華宮

右日本躑躅

滄溟鐵索繫雲根鈎出蒼然玉樹痕苔蘚磷磷魚
甲動輝光燭燭水紋奔名棹也得心機巧玩物惟
遺德業尊但取鏗鏘金玉韻欲方君子付兒孫

右海南琅玕

傍砌翻紅媚日天靜看霞碎赤城標葉藏翡翠層
層嫩蘂襲脂箇箇妖曉露精神題白管暮烟情
態寄漆橋領春蜂蝶閑喧處不勝歆芬倚檻嬌

右翻堦芍藥

重重疊疊影相依滿架濃陰幕檻扉
綠抹條構翠幄雌黃點蕊照春衣
風吹猩血鶯聲老花送幽香蝶意肥
攀折若無抵處刺肯教黃菊泛瓊卮

右滿架薔薇

不隨桃李占春風稟性常敷歲暮中
臘葉凝朱烘日色寒心膩潔保天功
玲瓏硬葉啣霜綠爛熳腴

花映雪紅料得羣芳無伯仲東皇應許對晴瞳

右雪中冬栢

真宰無私花萬般憐渠華譽擅人間春風艷麗饒
嬌態暉日冲融璨醉顏傾國哲王先有遠一花啣
鹿豈能千羣紅落盡增明媚更似西施押禁班

右春後牡丹

雨晴春日叶清和屋角梨開白雪花院落溶溶渾
月色亭欄艷艷醉姮娥濃薰透骨荀爐煖淡影披
風越襪斜玉顏天然司手妙子規清哢起年華

右屋角梨花

一株團雪糝青枝唇倩晴霞雨後時紅襯短牆歌
午醉艷烘春日帶風披花間粉蝶高輕翼葉底黃
鸝護落兒試遣山妹粧暎燭月中嬌婉奉金卮

右牆頭紅杏

東風裊裊海棠花開遍春階手可掣燒燭照粧來
有俗與梅爲聘奈無家玉真嬌足沉香睡金谷燒
如繡閣嘉欲識此紅清絕處影搖斜月半導遮

右熟睡海棠

少援清孤久著稱凜然清趣挾霜矜聲多此日看
非是吟苦何人句續曾點綴紅英裁錦綻扶踈青

葉間烟凝歲暮一種風流艷須畔高樓耀九層

右半開山茶

幾抱穠條虛白堂蘓仙清玩洗詩腸風標雅合詞
臣對細艷偏宜紫省芳雨着細臙摹彩畫影搖新
月轉長廊丰茸紫綬裁何密疑是仙娥巧手忙

右爛熳紫薇

漠漠輕寒好雨經爛然糝雪占春榮軟枝無力欹
風煖玉筵多情照日馨清韻渾隨明月見冰姿宜
向禁

缺

生隔闌巧艷看何厭欲秉銀燈細訪名

右輕盈玉梅

融吹南薰解愠時微花自發敢遲遲可憐但發堂
中樂焉得能銷世上思清馥度窓閨女笑朱華映
日戍士悲纖蕤真是忘憂號樹背應先孝子持

右忘憂萱草

已資天賦占青春立輒憑垣照日垠衛足自驚趨
利眼傾暉能勸事君親幽香最入詩人腹濃態還
輕歌女唇開向小軒忠節著陰山一死噉名人

右向日葵花

青送腰肢春日縱啣烟啣雨暎朱龐莫教飛雪留
三月幾別流人困一邦高出亞營憑壯氣纖低陶

宅壓愁腔黃鶯微鳥何先識長送嬌聲伴綠窓

右門前楊柳

凌轢霜雲與雪兮亭亭獨立幹無齊烈風吹擲驚
青鶴凍雨晴澌掛碧蛻根到九泉人不識葉深千
尺鳥難棲然天黛色看無厭此賞期無抵死迷

右籠烟翠檜

曉來寒氣砭山隅一樹楓林變綠膚千點紫霞籠
翠壁數重紅錦羃青株明翻落日驚秋色訝勝荆
人利木奴堪歎竒姿真有異莫怨霜岸詎施朱

右映日丹楓

誰題黃菊勸躊躇喜對清風數起予日泛金英搖
露際香標朱檻叫鴈初亭臺霜冷情無撓籬落秋
深態有餘盈把龍山吹帽日幾巡浮酒上瓊廬

右凌霜菊

依依雪逕映晴軒日照騷花淺碧繁顏色旣嫵桃
李炫性情那欲艾蓬原青瞳耀影翻成竹鼻觀通
芳擬掩蓀琴操清風江谷振春林不禁鳥相喧

右傲雪蘭

偃蓋長松鎖翠雲鬱然蒼瘦復胎芬妙靈龜窟青
何地駁落龍鱗紫綴文逃斧幾年能合抱韻風清

夜自堪堦亭亭更闌巖巒力欲制頽齡鎮歲曛

右萬年松

性肯安排粟一團嫩紅嬌態四時安知音真宰無
私手却恨昭村有灼癡酒色上肌飛燕醉芳心溢
面綠珠看高標迥與羣英絕須對清霜數有殘

右四季花

幾年封植必天然却對春風滿眼鮮姚魏不逾三
日艷杏梅才作數旬妍憐渠細萼燃紅苑更傍朱
闌照錦筵爛熳芬芳過百日醉中詩句慰流年

右百日紅

台溪落艷出牆梢紅白誰教汝爾交煖日烘霞春
塢漲臉容浥露粉闌拋馨香醉鼻隣無厭嬌態傾
人近可渚最愛和風雨絳雪不驚蜂蝶占巢巢

右三色桃

薄斂予無構大盈名錢剩玩濟貧莖範圍爐火鑄
莫重官府銖缺買價輕饑歲欲誇民賴活清秋靠
恨草憑呈莫教收貯還堪用先禁豪家制折衡

右金錢花

清標評次進盈科舊訝瑤池白玉花浪說粉脂凝
素女端尋瓊屑襲仙娥九天風露涵秋爽一段精

塊屬夜嘉窓外托根焉底思擬燠桃李慣浮誇

右玉簪花

翠葉陰陰玉井傍行穿樹下踏青陽琴偷綠綺敲
風響圭長蒼姬信戲將拳拳夢宮簪梓漆亭亭嶧
野老烟霜涼來消暑尤堪植孫茂孫枝不起凰

右梧桐葉

幽姿淑態繞庭除細雨嬌妖放不鋤玉萼春暄粧
有巧芳心風折復無餘低叉翠葉渾烟見剗剪霜
蕤奈月何標格乏倫須莫欠一庭顏色恣宜廬

右梔子花

石有瘤疣似病軀
苔封蘚紐合溪頭
峻嶒擬步蓮花頂
蒼翠涵清銀漢流
盤路縈回迷地軸
生雲縹緲逼山幽
往來晻藹依然裏
幾箇真人羽化俦

右苔封恠石

老幹硤磊直復斜
繞軀風雨絡交蛇
一聲蕭瑟清心耳
四節濃陰閱世波
葉蓋烟嵐增鶴唳
香蒸爐鼎煉仙砂
蔓藤緣翠蒙休蔭
臘雪隆冬更付何

右藤蔓老松

香橙一樹洞庭濱
壓橘秋霜體亦分
玉臼擣皮搖手馥
芳醪借力透壺芬
酸甘不是柑梅使
名品誰

評楚越君一嚼清泉流齒冷燕賓尤愛醉無痕

右浥露黃橙

誰劖芳根獻帝宮虬鬚盤引帶雲濛聯圍翠架青
帷合點綴明珠紫霧濃瓊液擬療消渴杜濃陰自
比擲騰融尤憐漢使通西域不死輜車萬里中

右蜀葡萄

曉恠清霜茜染墻安榴垂實照庭芳咏殘鶯闌零
紅豆擎出姬爭頌子祥錯認皮斑色瑁殼偏嘉粒
汁喫仙漿擘看淚濕臙脂臉爪上堪凝十月霜

右安石榴

拳矗竒磴竅瀑泉恍然廬岳壓窓前幾年神女行
雲兩萬壑烟嵐暎几筵寥廓洞中天地別晦冥塵
外往來躔山中更憶青蓮士高訪何人問道旋

右假山烟嵐

清姿奚假挺莊嚴暎徹雲霄波浪兼擎手瑩然冰
一片花潭凝蘸石微巉涵輝底物爲山寶回玩無
人欲鬼叅不是磨礧無點垢連城於此却遐瞻

右瑠璃石

自得陰陽長海深燦然媚浪作南琛清輝閣月秋
生脚瑞彩騰星夜積陰藏石細切盛沃土擎花餘

態又芳林粉華侈世誰渠右春日階前費客吟

右琤琚盆

胎化神區去幾年冲天警露是禽仙昂藏自有林
溪態飲啄都忘歲月遷華表一歸悲世變九臯清
唳屬時蹕庭松偃亞清陰處縮頸閑眠待月絃

右鶴唳庭松

芳藪吾曾不雜壓性馴香麝放溪前春山一過林
生馥秋夜閑眠露下天濯濯未尋靈圃藥吻吻應
見閭苑仙幽人逕採黃精去佇立空驚蕉夢邊

右麝眠園草

性靈清逸習江湖精毓春花吐綬娛蓮渚雨波晴
自照月溪霜夜倍長孤浮浮竟破青萍去箇箇時
追綠藻趨窺鏡抵疲鸞鳳舞看來飛燕政猜扶

右水上錦雞

日長朱檻暖風舒恣散華籠合護雛錦雨鈴風天
面響花粧春態日邊能盤桓碧瓦嬉晴躍搖曳清
溝喚友呼認主自應無買禍欠憐崔李兩家趨

右籠中華鵠

巒擁螺鬟對紫宮層雲靄靄盪膏融繞巖巖雨飛
龍濕暎日摘文舞鳳籠夢楚縱回紫峽裏歌汾影

落盡船中浮沉自在啣靈氣施澤山河大地蒙

右木覓晴雲

天開西嶽屹然蒼曉霽中間有丈坊暮色帶涼來
寂境鍾聲和月落高堂一撞千里人蹤斷連響黃
昏夜意長惟恨閑僧臨景福朝朝掛衲倚蒼茫

右仁王暮鍾

送韓相國明澮

春晚鋪筵祖老卿送馬千里赴燕京善爲敷奏啣
寬詔罄竭誠心信 聖明花正紅時渡鴨水柳深
綠日歸東城行人應恨離亭笛還笑沙乾馬足輕

又

白髮如今已滿頭
筭年凡百事應休
祇因於國須防病
使擬將心更養愁
遠近曾知勲業盛
舊新今矚寵光浮
春風賜宴明朝別
路入三千淚自流

又

燕山迢遞選雄才
國老喚韓宰相來
萬里自憐衰力盡
孤懷猶許壯忠開
停驂薊北驚魂夢
返節關東去禍胎
憂國三朝鬢似雪
此行豪氣識嬰孩

哀韓翊眎意

烏蟾出沒自無差
始覺人間世故多
何遘此生愁

鬱鬱每驚新歲淚
沱沱茫茫長夜應
誰喚杳杳黃泉渡
幾波悲極唯餘新
塚樹西風蕭瑟滿
山阿

夜雪念北征將士有作

并小序

予思邊事無夜安眠中宵起榻者今已過
旬矣去夜四鼓覺寢開窓瞻望蒼穹星斗
向移曙色似遠而庭院帶白晨雞不鳴惟
而察視乃下雪也却憶邊戍之苦征北之
軍不寐至曉仍思駙馬與予同憂樂故拙
賦小雪詩尉其緩酬哉

中宵起榻啓軒行一念屯邊北討兵小雪尚繁增

夜色暮寒先入助風聲飄庭已重梅花信穿樹猶
加柳絮輕更憶三軍憂挾纈解貂推火到天明

望遠亭

月山大君亭舍○見臣
金宗直佔畢齋集下同

望遠高亭豈厭遊綠陰松外盡滄洲滕王傑閣同
兒戲秦穆危樓寔婦謀風月卷來雲夢夕水雲看
過洞庭秋人間信有瀛洲興尊畔應消萬古愁

又

混蒼巧妙本無形匠出烟湖入畫屏江色灩涵僧
眼碧山光濃逼佛頭青簾幃翠濕西山雨雲樹晴
搖白鷺汀吳楚天邊何處是浩然清興一華亭

又

西湖亭子趣無窮況不羊裘遁世翁萬斛清輝行
地迥一團和氣與天通江山滿目開圖畫風月依
人活化工半醉凭欄心更逸落霞孤鶩碧波中

昨日元正欲贈詩以示意然無暇焉今日拙

稿一笑

見大東詩
林下同

曆頒新歲是三陽又對東風樂意長晴日欲消山
上雪春光更得草間香庭花喜見梅全白苑樹先
知柳向黃如有佳賓供一笑乾坤一氣爛余腸

寫蘭竹併題

歲寒尤秀傲霜枝人瘦清風自不知隨月似尋棲
鳳影處春聊得化龍姿雪天抱節人多愧粉苑含
香態更奇移籜他年要選地須教翠幹拂雲猗

又

閑盡簫條歲暮天謝庭芳艷玩孤妍花清恰覺供
詩眼香旺偏憐浥酒筵琴操少知醒熱夢騷風稀
悟詠寒賢一看寧寶梅家譜炎赫尤醫我意煎

瀟湘八景

以下并舊本

宛轉山橫翠霏微雨弄晴羅紉輕掩暎巖樹乍分
明日薄前村影溪喧何處聲隔林知有屋雞趁午

時鳴

深迤山含翠雲收雨霽晴蒼麓藤蘿蔓青天目強
明千巖苔競色萬壑水爭聲野店烹微處羣雞彷彿
鳴

右山市晴嵐

嵐翠千峯色招提第幾層樹深催晚景山寂暈寒
燈渺渺疎鐘動飄飄餘響凌石梯歸意倦行脚任
烏藤

嵯峨深古寺雲霧碧層層烟影籠巖樹僧心鎖佛
燈金鴉繞轉去鳬氏忽侵凌百八聲殘後清風舞

葛藤

右烟寺暮鍾

遠樹噪昏鴉長洲三兩家斜陽明島嶼夕霽映蘆葭
葭籬落橫疎網江千點小車微風翻錦浪漁艇自
歌斜

山角紅將斂餘光照水家扁舟橫薄影細露濕殘
葭半碎收漁網長歌揮釣車乾坤無特緒風月自
然斜

右漁村落照

納納乾坤大溶溶江水流山川供遠眼風日送扁

舟一葉天涯影多生水上海落帆何處是月白且
停留

風起青帆後從飛萬里流千峯呼吸過知是夕陽
舟烟霧蒼蒼際波濤日日漚湖光清興盡何以爲
魚留

右遠浦歸帆

風定江天靜篷窓半夜眠疎聲侵夢竹亂點入吳
船滴破三更夢寒凝一炷烟苦吟應到曉遣興不
須編

天黑瀟湘夜篷窓孰買眠竹間精魂閣江岸釣魚

船蛛網懸珠玉茅簷鎖冷烟誰甘三漏夢不作一
新編

右瀟湘夜雨

萬里衡陽鴈秋空一兩行寒聲喧七澤斜影落三
湘飲啄隨江渚生涯寄稻梁低飛避殘照點綴亦
成章

雲裏隨陽鳥青天布陣行功勲照漢國情緒接瀟
湘澣羽尋清水充腸擇稻梁斜陽何逗缺千古似
文章

右平沙落鴈

風掃浮雲盡天高滿目秋一輪初碾上萬里故遲
留夜永清輝發波寒素影浮年年無限意多少客
登樓

水寒烟色薄月出委金秋未缺清輝滿高懸玉宇
留漁舟天上坐綸網鏡中浮羨哉山河影湖光動
庾樓

右洞庭秋月

天地洗氛埃江山淨域開雲容嬌不歇雪意浩難
回襯竹湘娥粉盈船賈客魂灞橋詩興遠僵卧只
寒醅

奔走寒雲起同天四不開氛埃鎖暮靜簔笠已舟
回鳥絕山啣日風吹樹瀉瑰波濤銀色滿茅屋只
冰醅

右江天暮雪

賜月山大君

下同

尊兄無一事回首看浮雲和所進禁中雜
詠八首

風標雅合抱晴日釀霞葩姿色粧春晚芳菲占夏
華已從廊省艷肯許杏桃誇篋有絲綸句詞人玩
必多

右仁政殿後紫薇

烟翠千絲柳宮溝映日垂嬌嬈停舞袖耆老鐱缺
絲眉細容梁苑腰纖聘楚墀低含春日雨更好歲
蕃滋

右御溝楊柳

掩靄靈星樹扶疎積陰行粧黃着雨點密綠帶風
涼漏日光希轉招蟬響接茫明年多舉子培得蔽
斜陽

右宮槐

雨後天光淨風薰物物宜絲添幽徑草興發一聯

詩問野歡年稔開園召我知
洗枯何不體欲致太平期

右雨晴

煥乎寔文章遐思化日長
剖腸奚夢吉淪俗不幽
光宿構徒譽范腹藁常苦王
吾詩作慕彼相樂更
彷徨

右觀御製詩

墨不與地平我無爭取驚家雞
莫我問春蚓誤人
明晉帖難偷與元書似向榮
兄譽何太過未寫黃
庭經

右觀御筆書

淒淒秋色近臺榭樹陰涼聲響隨風變宮商起候
揚離亭吟幾久愁閣聽應長擬對薰絃發如將作
頌忙

右禁中聞蟬

園裏風光好斜陽欲返家鳥歸庭樹宿雲散暮峯
過暝色衣邊繞歡情路上賒下鞍閑顧首東嶺月
華華

右禁中晚出

忽逢湛樂之惠欣受文房之寶既爲之情玩

又爲之精妙無以爲歡聊以拙詞庶展情緒
云耳

紫硯勝端石金聲玉骨生費錢沽不得求備妙難
形吐水霞光淨揮毫月影明稱珍照簡冊千載動
佳名

右硯石

松燼輕花結圭成禹德明精神楮里寄文彩穎卿
生清馥軍千陣妍姿騁獨名若教隨草聖歲月振
能聲

右墨

寂出遊巖谷今從近御床濯心啗玉水修性伴芸
囊野草渾爲夢宮軒擬作場癡兒初不識遠避恐
余傷

右鹿

安否何其昨與今無聞來予心不快敢以所
懷作簡且賦拙篇

昔日重陽日呼人不厭人人乎猶若此思矣况我
親桑落開新酒菊花知舊春明朝風物好誰作醉
中身

今日約見走筆

霧掩天應碧園開日自紅芳花三月裏佳興一樽
中鳥弄知懷景蜂遊覺有功暖風吹不盡歡意更
怱怱

安否酒中不可無酸以所有柑子八十枚且
憶亭中今日興作詩遣內官致敦并諭予意
所送妓伶詩人不可留夜宴飲罷後送京至
可至可

今日西湖路春風桃李香主人難禁笑羨客易傾
觴累舞愁暉落繁絃樂聽長漁舟亭下泊掛看聚
仙郎

苦勢爲拙詩來感愧不已觀稱贊不已之語
尤慚到地及來時走筆以戲

鉛槧何煩讓雕蟲更不知喜晴初秉管惱熱晚難
詩揮扇如驅瘴冰泉似醉危明朝國事靜觀德以
爲期

聞兄來自此路歸豐川家歟走筆以戲

飽德期豐飲厭厭政醉歸眇躬遙招笑歡日孰知
稀艷曲春風動佳詩逸氣飛太平無事歲誰缺掩
柴扉

夜坐走筆付孝智傳

清宴開華閣蘭舟隱紫霞湖平春水淨雲擁彩山
多廣席喧簫鼓繁絃舞綺羅東風拂柳節莫議夜
如何

雨中憶兄之與予一般拙賦勿陋見教

雨脚如麻落雲容似墨生捲簾心欲濕書意恨難
平所以何爲耶因茲未展情過霖還有損嘉穀最
傷形

又

雨裏閑行苑看看翠色飛眼中皆着興遊處自乘
機池是濠梁落人非玉塵揮宮園多好事何用敢

懷誹

又

陰蒸天地日霖雨晦冥時寂坐空隨俗違心轉作
悲卧聞溝響惡虛過歲暉馳若不子期類誰能我
意知

聞駙馬來書所懷待歸斯可矣不然他日有
罰酒也

滌慮存誠裏愁看雨脚斜褪紅花狼籍染綠草生
涯泥滑欣飛燕池涼亂噪蛙南薰多舜興腦癢不
禁爬

賜人參且隨送清心蓮子飲百服兼詩

今貺清心飲那欣爲酒酣非須對佳客於此發清
談浮白時應樂煎茶晚更甘雪花何入眼百勝醉
庭柑

戒夏享靜坐小軒忽看黃鶯過短牆却憶兄
亦知此樂也即書拙句云

午靜睡魔揚抗送風乍涼忽有牆上樹百舌轉呈
狂飛來似窺我作歌情必長一服春日樂自不禁
詩腸

對斜暉憶兄拙律

薄暮山雲紫東風霽景明
憶人心獨喜料事意還驚
啼鳥聲無惜飛虫繞不停
此時思莫盡寫憶約明晴

安否乘閑作詩

苑裏秋光好高臺興自長
西風紅滿樹新鴈浴寒塘
荷落香猶在楓翻錦作場
勞身唯恐耳不爾語更琅

安否病已平復予不勝喜爲之一詩何必強

答惟冀破寂

清秋節欲晚楓葉幾日紅
離夏蟬聲匝依籬菊藥

濃尊兄今却疾惟弟政深衷調護無疑日相歡後
苑中

日暮亂書勿咎

丘壑非兄癖山原暫構家籬邊置雉兔門外看桑
麻日月銷閑趣溪風醒一酤良宵與客坐應發樂
時歌

知兄太寂不揣才賤拙禿中書君摸畫葫蘆

爲之一笑

見大東
詩林

燕罷皇華館回頭日未斜却思棠樹樂何憚輦途
賒春色雖時去欣情此日多鶯聲如昔艷似慰大

寥家

遊高陽別墅

以下并舊本

綺席香塵曙因成爛熳遊
路人嗟逸興山鳥逐芳
吻龍送千峯雨魚跳一
溪流主心猶不蕩耕隴
聽催鳩

侍宴太液池

池畔暑光涼薰風殊未央
燕賢開鵲席閱樂退霓
裳魚水驩乎泰雲龍際
此宮晚暉扶醉散風逐
馬蹄香

梨花點綠苔

恨見芳魂去殘香直幾錢月痕猶賞箔風力政推
羶點點苔無綠飛飛望不邊玉容今寂寞悲思起
嬋娟

失題

病摺多愁思羶簾僅捲開撒成雲葉下旋撲玉塵
回灞岸千條柳梁園幾樹梅東風無巧意吹入太
虛來

又

斜陽暎屋角夏日正濃濃樹裏鶯嬌韻階頭花滿
紅冰梨兼旨酒團月灑薰風閑樂誰相及今知大

醉翁

聞賣花聲

春歸愁思起花落有新聲爲厭紅裙醉期忘白髮
驚擔枝來夢幻拾藥賴晴明正值風兼雨功名一
鉢輕

訪安期生不遇

漫漫雲露嶮何處遇君還閑戶留雙鶴空爐養七
丹隔霞音若聽乘月意應安只欲門缺漢邦尋避
返歡

望遠亭

見佔畢齋集下同

華亭翠靄間雲物盡圖看翡翠流春渚芙蓉削雪
巖一毫明物象萬景極遊觀天借無憂域終殊一
釣竿

又

湖上新亭好風流作勝遊几筵延大東詩林作迎紫翠尊
酒散繆悠醉喚三湘夢醒回六月秋雲山望不極

高興動滄洲

又

勝景古難得昔人賢不多華亭非媚目樂事但因
和風月增詩界烟雲壯醉窩笙歌歡不盡天地似

大東詩
林作欲爲麼

觀書體甚佳作詩以賜焉

見大東詩
林下同

雨粟聞蒼頡跳龍覺右軍風檣應久笑秋蚓欲長
焚瞽膜生驚眼酸疼動寒筋何年習妙法今日出
晴雲

日寒特賜酒併題

愁底病仍在曉來寒更多讀書纔倦外聞客奈懽
何賜裏浮春色杯中無一蛇消磨世慮處覺盡眼
生花

作望晴二首勿笑和送是可是可

雨欲浸三版雲連起萬峯閣陰憂織女禾腐懼司
農水水浮鷓鴣林林接蝶蜂物心如未得愁思更
重重

萬重雲隔日四野雨成霖層閣連宵注三更鍊玉
音蛙聲喧厭聽陰氣積難任何日天如掃懽晴賞
苑林

聞來走筆喜雨詩

大雨爲霖日三農樂自知杲暉如遯世和氣似迎
時簷響鏘鏘玉軒垂理理絲有年何更卜他日賀
瓊卮

立春拙賦求和舊本

斗柄春回大簇生和風舒暢五雲明
土牛耕處寒消野綵燕飛時暖入楹
臘雪欲灑風作陣春梅吐艷鳥如伶
烟籠苑樹鶯將缺冰泮春江鴈自驚
殿上樂吟春帖句醉中閑聽鳳韶聲
寡躬更念持盈懼爲政常懷四海清

賜咨文紙四張并拙詩勿哂勿謝此紙品好

可作笠帽故送之

見大東詩林

錦鳩花外一番鳴喚作東風細雨聲
紅濕落英誰不玩綠添芳草却遲晴
破閑也應思懸野抗夢唯

知夜短更初著野郊頭一淨晚橫山市眼長明眉
邊天女擎珠散路傍行人指蓋驚立馬西湖若聽
雨蓮巾繡帽未心盈

和閏正月雪中題韻

以下并舊本

春寒漠漠愁雲多東風力弱飄六花天色慘惓如
作態光芒輝耀見復加融曦可愛潤萬物膏惠正
望長千華晝靜閑坐玩不已轉覺春天淑氣和使
予曾襟若洗瀾雖失沼池安歎嗟擬盞忽發和羹
思對景還知剩雨沱觸處開花似有巧散漫寧同
世風波來詩擲地振金玉絕勝歐陽賀雪歌

今日尊兄進喜雨詩文仲善誤聽大君之語
以啓曰次韻前日之詩也以是近午披覽不
堪驚心卽秉寸管磨硯而所見聞至淺未卽

送之

次韻

雲漢昭回未滌襟朝朝暮暮半枯心商羊已若趙
盾日河伯今垂傳說霖山色送青排戶晚雨聲傾
夜漲溪深叢夫弄鋪奔波水濕鳥梳翎亂茂林霽
霈旣知登宿麥闌干却喜坐晴陰頻希一枕維魚
夢空愧千家擊壤吟巫峽忽驚蒼狗隱瓦簷誰拾
散珠禁秋來米賤長安市須對南薰彈舜琴

暮春三月以 國忌靜然憑几却招尊兄爲

賦拙律

閑鎖宮門倚玉墀夕陽銅漏度花遲池塘淡薄烟
凝日桑柘廉纖雨歇時燕說春愁簷外桷鶯言闌
興柳中枝風涼一枕黃梁夢日暖三階碧草蕤蝶
弄青梅窮巧舞花穿朱箔逞妍飛半成拙句羞猶
改一失佳辰悔莫追招得撫琴兄破寂期知讀易
我啣疲明朝香糝長安路誰黛癡情捧酒卮

予惟春一去兮花不再人一老兮少不回自
然不易之天道也有用而守錢非達智無爲

費財非達儉昔者晏子相齊而布衣君子是
之孫弘輔漢而布被君子非之布則一而評
則異何無他矯其志之誠不誠耳予以寡昧
所聞至淺所見至薄與無知野人同一心而
但受 慈訓丁寧學問粗習安可費以受輕
儒沈瀾薄彼哉但以情意深重用餘亦饒故
特製銅盞之優玉罍之下名之曰百年以禱
兄壽以破兄愁兼呈拙筆卽度不雕

邈者將相風雲會榮辱乘時各有人天意遠高難
可質人情卑近易能伸激揚音韻標孤徹籍甚弘

多雅衆振尼孟我從思道義墨楊誰與議疎親才
推曹植應同調量並劉歆自結鄰我愛已然天賦
與物光爭重是彝倫青霄喚鳳搔頭笑碧野牽麟
束臂顰予有一兄無寂寞日論三德更溫純慇懃
自不堪情重詩句何從寓意真故製蓮杯無所吝
待看宮苑泛青春

領受勿謝近所賫去別監多酬以惠此古
者所無之禮兄其勿濫

爲哥致懷勿哂勿幸甚幸甚東西阡陌可
究深情韻是六十

憶疇勝絕當時泰無事還堪發興長不邇經營趨
競俗更遯羈束負喧郎羲和已識天成用水土方
知地厚常天地中間人最貴彝倫此處道爲臧曾
聞人事如蟣蝨始信功名似蠅蝗萬卷羣書螢雪
誦十年燈火蠹魚攘波瀾虛盪春江岸崖蜜空流
白玉堂自敗秋蘭寒雨裏多衰野菊夜霜傍廟堂
幾許稷臯策翰墨誰追班馬香李杜文章無比櫛
蘇黃才思少相當忘情榮辱仁人趣樂任窮通智
者腸所說可煩猶自噤收懷聊叙庶能張有花荆
樹盤行引無價天倫委曲彰否隔每憐曹植表忍

殘長歎厲王傷牽持愛篤雲天薄斗斛期襟契濶
彊滄海梅檀僧不棄五陵豪貴我何忘香厨豈憶
雕胡滑玉椀盛漿錦帶芳冰置玉壺泉一勺氣纏
秋月色長光絕儔符采真無敵少匹聰明孰並行
金距鬪雞思漢苑玉鞭騎馬入宮墻紛飛颺雨驚
泥燕山滿尺童驅牧羊逆聽春鶯工迸淚顧欣花
萼巧施粧題咏長懷江左逸爲文多病鄴中狂服
膺不失拳拳意咂鬢何勞撲撲量心緒如膠寧吝
匱步跬容易兀稱觴河間經術江湖大子建詞篇
霹靂忙欲學背肩非嗜舊安知兄弟鑑興亡兩知

天意難謀問贏得人情易作瘡在澗考槃誠不羨
與君湛露正無償軒墀寵鶴將墟衛禁掖尊親寔
軼唐棲鳳自何疑鍛翮卧麟安得畏迷蹤甲第厭
食龍鳳餅芳腰宜佩紫羅囊璵璠絕價崑崙極風
味全和錦瑟旁鴻鴈影來遲彩席鵲鳩飛急到春
浪金尊泛蟻蒲萄熟秋圃採香首宿荒處貴自嫌
如白屋包華還冷撥寒塘茅亭雪岸叢梅白宮苑
春溪御柳黃加禮崇惟徐孺榻題詩驚岌謝公章
龍鍾不是安貧所湛樂深知洛醉場堪笑神仙燒
藥竈自多身世沐恩莊大夫皎潔缺機重兒女安

閑細媚良半夜隋珠今我缺臺邊燕石昔人獨承
歡頻接南薰殿帶暮徐過教樂坊仙李蟠根繁玉
葉海桑綿社擬金湯知兄每喜無憂日顧已長慙
寡德王欲罷不能宣側佇却將無盡步踉蹌淺深
莫得翻離間臨履何爲抵咎殃風雨寒山佳桂樹
衣裳高處整秋霜沉淪勲業增文采偃息山林惡
自強王暉解愁傾琥珀金盤酬謔薦檳榔蹉跎白
日忽如擲寥落胸中明不佯學貫天人何灑落情
窮造化不荒涼畢竟斯時無限樂了然當日有誰
防璿源獨立提庸道戚里威儀有義方兩不猜疑

如見肺初無技癢久聞痒一代風流誰是主三朝
宗室共如張朝來紫陌鳴金驤暮入青門響玉鈇
合香濃恩猶可勝慙懃孤臆也何遑秉心不過存
惺法爲政邦踰迪吉康今日不圖逢此歲一方愁
在白衣鄉

題望遠亭

大東詩林曰月山大君家望遠亭始成
上製詩八章以賜之仍令羣臣次韻

浩浩乾坤思不窮一亭高趣水雲中登臨幾憶桃
源客欲問仙家興異同

又

亭與

大東詩林作興

雙眸豈盡看雲容水態盡圖難晚涼

江雨初晴後更好含山

大東詩林作山

月上欄

送黃柑七十枚併題勿謝

靈根初出宜都郡美實端成濟堞霜一嚼瓊漿消
渴處却知簷蔔是餘香

今日爲大君一絕句

今日看天霽景開年華半作綠陰臺破閑已語唐
陽尉更待金羈玉勒來

秋日憶兄約後日之遊寫懷

千峯四顧染紅衣秋色深深天一機清譙有時興

不極况聞新鴈正南飛

爲大君作杜鵑花詩

臙脂半染兩腮紅濃艷如燒意不空帶露華清初
出洽蜀山今日滿春風

近因旱魃之暎久停園囿之會倫情痛隔親
意悲踈然事有輕重缺有淺深天縱大旱豈
緣兄弟相見之故哉欲於清宴之日暫會一
語無乃可乎詩以言情

秋來野外稻無香民事哀哀國孰王荒政少閑天
意重欲看樓下道皂殃

安否口舌瘡何若我則萬機之暇與兩尉相
話屢矣每當苑席思兄之寂然如禪暗傷懷
者不知其幾也今致簡并詩一哂

雪晴宮苑揔瑤臺地下春風脉脉來時笑酡顏兩
駙馬啣歡猶惜日西迴

書拙詩

曉看天容雨勢催綠楊牆外杏如開龍歸虎睡風
雲捲度可東園午後來

作詩究意

山雲匹練樓前度樹葉錦裁階下來無限秋光何

處送夕陽兄醉綠尊開

舊註曰今日有經筵故夕陽云云

送山茶花一枝寫絕句以戲

相對山茶手自裁

裁疑

雨中如火一枝開分明有意

兄知否欲睽天晴携酒來

恨尊兄不來爲寫拙詩以買一粲

閑卧應無憶我心秋光此日興何深隔雲意去真無益空夢魂聞綠綺琴

聞兄與駙馬來拙成一詩所以者無他近以事久廢經筵且逼齋戒故爲之耳

春烟籠樹轉佳祥老雪欺梅壓樹香此日挽留皆

樂否如期有往不違腸

安否封贈佛頭花一枝并詩

何心不覺年華晚自聘妍姿秋日開應是爲予深
寂寞與兄相玩泛金杯

爲大君春日絕句

輕寒二月杏花風楊柳和烟禁苑中啼鳥盡情緣
底事可憐春色去還空

又

宮壺催箭曉雞鳴憑檻沉吟感慨聲花露濕衣烟
一炷杯中兩得有心情

又

夜雨輕寒拂柳青清風吹轉物流形醺醺半醉花
輒影一笑芳菲紫微庭

贈鷹

山北山南錦雉飛非渠何以致朱扉頑雲冰雪春
無力更副兄心空不歸

憶兄寂坐

何須苦被世上嗔寂寞窓前送暮春紫陌春光撩
亂眼此間誰是一閑人

今以摸畫自南方來水鳥二首稱鳥者名加

个烏灰者名蘆未烏者自遠而來馴甚故賜
食銀魚九尾頃刻而吞真貪魚鳥也而於畫
無用故兼送灰鳥放池一笑併拙詩

畫非身難似來由海入城非如受旅獒一時欲妙
形

題畫

幽亭瞰流水高樹俯潺湲驂騑嘶青草春在翠微
間

又

絕壁立千仞松風鳴未一本作不休憑闌無限意依約

故山秋

偶吟

此日兄何去秋風霜更清
知鴻不失伍可以識我情

爲大君作杜鵑花詩

往事悲空去春風爲我來
芳葩問課蝶其奈去何年

恭和尊兄誕王子韻

斗柄纔移息羣動祥凝壺
閣掌珠弄喜極紀時鷄
未鳴叶瑞始覺維熊夢
聞啼脫屣走寢房入戶繞

檻襁褓香歸來不寐度春夜歡情昨日何尋常懸
弧望聽可卜世暫冀筋骨才能繫欲先備留五車
書誦習不愚免苗裔妙年得慶良可驚微兄誰識
弟深情聯茵相對竢有日談笑自應肝膽傾 慈
顏賜喜衆臣賀心在感驩違閑暇諸兒亦來喜溢
顏棠棣邦爲風雨破陽春宮裏樂事綿已納嘉婦
根株連家聲不墜死瞑目披讀秀句焉無然況是
時節正東風紅白花開春雨濛皇華竢儀東歸後
與兄典禮遵周隆絃歌擬聽缺無窮
此墨至精且貴而予之所珍猶勝乎此故不

惜以贈爲作文房之寶仍題古詩以破一日
之閑以成長年之笑勿陋求正且勿謝

徂徠無我國我國雖少多良工此墨出何世來自
先王宮子孫持勿失可以永無窮老髯東山秀香
烟靄春風輕煤出妙手翠濕瑞霧中自可羨易水
精光照雜瞳肝石已知爲棄物蟠龍戲雨用神通
夜窓明月照兔魄鬢髮墮鴉缺墻東獨磨噓雲清
且羨昔人螺髻還爲空毫端蛾綠起幽馥蘭麝融
兄不見如蠅道士掛帝眼又不見會稽王朗傳奇
功爭妍張李不足慕燒竈致富頗如蒙忽然深憶

兄在寂封贈欲曉予深衷養之錦囊堪掇裏應憶
青蓮幕下翁

昨日惠送馬腹與葡萄茶作拙詩勿哂

罷機憑玉檻春晝假寐時忽有逆鼻氣卽恠烹黃
熊舉矚視奉肉細剖嘗不知驚問此何物饕餮未
曾比食之味倍舊倩芳轉生疑宮人告來處乃覺
有所私老馬雖不棄衣綉非可覘公綽殺害圍是
爲人者師死而復厚葬人道何愚癡如或買首輩
廐中生悲思作饌自誰始往古來今伊開尊一隅
伴絕勝牛尾狸予雖匪枵腹得此如療饑感推鴻

鴈意志堅松栢姿佳惠道難盡縱飲猶可辭遲遲
春景好欲起一金卮

贈送黃柑五十枚并詩一篇望和且勿謝

坡郊出遊獵金策拂雪嵐弓彎月初滿鏑鳴雉羣
喑落鷁歡未已呼鷹酒半酣汗應霑背腹渴飲浴
湘潭英風動寒磧清興掛高談於此我想不遙歡
笑不堪適有南州吏輸誠貢歲柑予心尤自樂解
結視耿耿劈咀侵齒冷簷葡猶可慙所贈雖恨少
一一暗香含

今朝所送鹿尾之腹有書兄之可以爲一笑

者也作古詩

簡藏鹿尾腹豈是秘書謨所以今日術徒然意衷
無兄應知食物奚暇健奴呼與其鬱不暢寧若清
讌娛夜砌蛩響急高枝螭聲癰節序三秋好雲物
此時腴近約勞身事忽忽更怡愉想今如夢幻何
忍心踟躕題句自慙拙然非富醇儒明朝如有意
携春須一壺

天使遊觀作詩一笑

見大東詩林

朝拜宣尼廟晚出遊漢江登樓行慰禮上船壯此
邦四顧山光碧斜憑水影撞館伴頻進語賓樂更

無雙舟渡楊花口
漁艇滿眼來舉網
跳玉尺拍手笑
自催迥望龍頭嶺
西巒日半隕移帆
泊望遠清浪漾雲
堆客道揚州勢
啣杯盡欲傾江山
供句眼鷗鷺舞春
汀東南多勝景
昨日播騰聲舉炬
還賓館潮風撓旅
情

喜好雨示予意

○丁酉四月二十六日
出臣玄碩圭家藏

眇冲多錯政譴責見皇天
杲杲千里赤噫氣散青烟
吾罪安辭逭民生最可憐
通宵終不寐自責到無邊
人豈回天力天當恤人瘼
油然雲起峽霈然雨潤田
豈待維魚夢期逢大有年

四佳集曰丁酉春不雨至四月乃雨
色載怡製喜雨詩示承政院且令和進都
承旨臣玄碩圭
等應製立進

解愠嶺走筆

見大東詩林

園有解愠嶺南薰吹莫斷登臨氣清涼如坐氷柱
觀雖然念民勞農畝流赭汗願天倒神瓢蘇渴添
溝澗

列聖御製卷之五

列聖御製卷之五

五十一

列聖御製卷之六

宗簿寺提調顯祿大夫朗善君臣侯奉教纘

宗簿寺提調嘉善司憲寺司憲兼寺司簿提學藝館提學教館事同知經筵春秋館臣權愈奉教纘

成宗大王

文

閑坐憶兄之苦熱寂坐因喜晴酷熱賦請和

以下并
舊本

頃憂旱而憫懷兮德不逮乎中辟責六事之斯切
兮仰蒼穹而未格圭璧之靡愛兮山川徧祀犧牲
之罔缺兮宗社是倚於時雲變素而爲墨魃先

成宗

列聖御製卷之六

一

躍而羊舞翻天盆之徹夜兮懸兩脚如長縷翠色
盈之于田疇和氣溢之于江山天間決兮地垠闢
穀意生而農情歡遇沛然之嘉澤兮曷能罄竭乎
方寸偶觀蒞籛之茸倩兮不覺自曝其七蘊及至
霖積涇而漲壑兮天公何不卹吾民之更勞乃命
羣龍而返旆明星爛而紅日高烘薰灼沸而如湯
兮流汗成漿而透衣予本懼隆夏之有酷兮雖欲
逃累計而何歸唯飲玉井之蜜泉兮自擬羽化而
開扉尚憶兄心之一體兮必有煩蒸之憊渴何如
萬機之餘暇兮共酌清芳而引風乎青蘋之末

蠱賦并序

予常娛書籍且好弧矢乘萬機之餘偷一日之閑有事而晝則坐而讀書繼以華燭無事而晝則張熊幙席高榭以觀德以講爲國之道以備保疆之略於予事何有非哉然顧我之德之才固無足道常恐不克負荷故羣書萬卷分籤表裏隨所至而披覽輪環莫輟而諸子百家間或登手近以暑熱暫休一旬之間而蠱乃抵隙啗毀數冊予幸今日開閱驚惜雖反責慢藏之罪

亦有驚害物之蟲仍書一辭

蠱之爲蟲兮懷義斯存風雨山回兮物亂爲昏何
托迹於書籍兮本潛藏而不寃晦不似乎君子兮
依陰薄而如暄行如順而自動兮素莫問於尺暄
能投間而抵隙兮誠小人之攀援何啻字而滅文
兮或疑嫉予頻掀欲盡誅於一手兮翻懷敬乎羲
軒人久宴溺之疾生兮寔乃利涉之大論體先甲
之易誠今垂咳唾之波恩顧邈思秦皇之滅籍兮
宜聚大易而免燔如不悛而恃力兮卹後悔於屠

戲寫鳴蛙卽賦云

乘萬機之休暇兮偃高軒而微憚揮團扇以禦暑
兮豁衣裳而任適颼風擊而雲奔兮俄翻盆以靈
液知霖霖之過多兮見積潦之踰尺旣切憂於旱
暵兮抑予情於漂麥庭池之有青蛙兮一箇跳出
而如澤似惻予之無聽兮雜獠曲與蠻歌若憫予
之有寂陳賈哭與崔哦環楹而力叫瘖者欲訴而
強訶歷階而脹腹兮勇士懷憤而直賅怒詬比之
乎毛遂兮悲咽可勝於卞和特媚如小人之覘隙
兮聒寢是巧令之佗佗欲詰之所趨兮嫌肩晉惠

之官私欲成遊之何嚮兮愧首張子之莫移傾耳
則擾極兮黜之而悲時惡捕則窘劇兮殺之又何
知以是寫形于華牋兼書賦而赧自貽

今日知尊嫂之佳辰欲脩俗以贈物而帑藏
無可見之物故以兼金之六兩製周家之阜
螽披懷托物遺以成驗且爲之賦

并序

詩曰常棣之華萼不韡韡凡今之人莫如
兄弟又曰鵲鳩在原兄弟惡難每有良朋
况也永歎又曰妻子好合如鼓瑟琴兄弟
既翕和樂且湛詩之一章深於一章而反

覆重詠以驗其信可謂委曲而能盡其義者也予雖不敏敢忘詩義昔叔梁紇禱孔聖於尼丘皇甫政祈男子于母堂事若虛誕而其於感應之理昭然不戾也予惟尊兄旣得之於夢蘭俟慶乎石麟然與其有蚌珠之小瑞曷若得真鸞之休禎以是托物製形贈以福日直送難也今付尊兄禱之祈之其揆一也賦螽斯

惟陰陽之播氣兮浩萬類以呈形寔螽斯之微質兮感高秋而攝生稟震方之仁澤含木色之未精

軀沫青而畫絲兮趾染紅而火明葉初脫而運息
草漸黃而恣情轢肅殺之商聲娛寒林而經營金
飈砭骨而視越兮冽氣侵膚而清官量力而與朔
無競兮依叢蔓以自閑育天地之醇和兮囿雨露
之霽霽嘉容止之安停遘走童而尚寬或奮翺而
高騰亦不飄乎亭欄性若柔而並剛兮冒清霜而
猶桓股相切以作響兮似金石之微錚簡苑蒼而
後智兮躍禁苑而如爭驩秋日之晶朗菊散金於
瓊莖攀纖條而搆珍心崢嶸其幽貞等易容而易
給覺到處而無驚因無負以遠害不違忤而見烹

譏鸚鵡之鍾慧長委命於鎖籠卑蟋蟀之琅語竟
歸窮乎厚墉自無以佞媚以取獲兮雖巧黠莫與
之爭鋒棲遲而羈旅兮焉有盜雞而定蹤思愈閑
而愈靜兮任飛憇於衡縱近玉砌之參差疾唧唧
之寒蛩噫草間之眇物宜置度外而養真奈詩人
之起興豈無自而妄陳吸清露而爲泉浴香霧而
成津懷廉介而磨礪昧患失之含嗔况周家之綿
祚階子孫之振振啓中壺之盛德流千載而彬彬
羌斯蟲之不棄買百金而忘貧以予情之罔缺值
尊嫂之芳辰淑哉人之秉彝何貴賤而心殊苟飾

面而自欺訪魑魅而亦尤顧質神而禱所嚮累太
山而可以掊維誠格而感應乃理然而何浮金不
靳乎兩金召良工而諭箴製雖愧於匪精盍究意
而思謀更深冀於尊兄占吉夢乎閑襟伊何事耶
乃吉兮未過期而驗姪開賀於來歲兮預翻狂舌
於知音

親策

王若曰天下之理會在吾心苟究其理理無不通
蓋日月之行有常道而日月之食亦有其數先儒
以謂精曆筭者雖百世可知也然孔子於春秋必

書曰食何耶先儒又以爲人君修德行政當食不食既有常數則爲此說者何耶且日者陽之精月者陰之精大陽大陰一而已矣堯時十日並出宋之兩日相盪抑又何理耶潮汐之說先儒之論不同消息之理何耶東海之無潮錢塘之三日不至抑又何理耶火者陽之精水者陰之精自有其性有溫泉而無寒火何耶冰有蠶而火有鼠抑有是理耶天下萬物各有其性橘渡海而枳貉踰汶而死以變其性何耶洪範曰王者惟歲卿士惟月庶民惟星又曰雨暘燠寒風曰肅又哲謀聖之應曰

雨曰暘曰燠曰寒曰風果爲五事之應耶天下之
理無窮理無不通然後可以言儒者矣將欲觀子
大夫窮理之學請答平論

又

丙午○出
實錄下同

儒之有用至大哉佐君致治安民阜物淳風義俗
刑措而鮮用起頌聲於田里鑄干戈爲農器苟非
大賢其孰能之以是古昔聖王不以高位爲喜而
以得賢爲憂唐虞之世衆聖輔德羣賢佐職故垂
拱無爲而天下太平自漢唐以下明君誼辟莫不
選用賢良而治效未彰大澤未流厥咎何由可歷

指其實而言耶堯舜之臣皆賢而漢唐之士皆庸
耶予以否德獲承洪緒夙夜以求之寤寐以思之
欲不墜 祖宗之鴻業常恐懼萬事之失統思得
明良之輩冀聞五帝之政未燭厥理何修何施而
能臻此乎方今宰輔豈無臯夔之賢而予之圖治
明有缺然其故何由予之庸暗罔稱天工須賴大
臣之佑高明之誨其庶幾哉惟大夫所常覩聞如
對垂問以不精心致思安能陳大道之要至論之
極哉大夫其各悉心以對靡有所隱

又 丁未

歲在丁亥我世祖奉帝命征建州醜虜服罪而授馘邊烽從此而不警威德翕赫英聲大振建人帽服執贄而稽顙反猖而來軌雖然餓虎入牢縱有掉尾之情飢鷹坐鞴寧無背人之意邊城固守甲兵不施王者之政也彼州之人猶藏禍心曩在己亥肆暴爲寇其心禽獸益可見矣性氣貪戾不憚凶悍更犯上國多梗皇風皇帝赫怒下詔助征惟予寡德咨詢大臣出師敵愾小摧凶醜建醜回心請和歸順國家以爲建州之人本無禮義况我西北之氓因茲失業聽其歸順開其來路綏

遠之道不得不爾待接之恩不云不厚而今者潛
殺邊氓怙力萌釁負我之恩陵我之國是雖邊將
失馭之致然亦豈建人歸順之誠心欲問罪則難
知用兵之利欲閉關則必生橫逆之害窮尋賊則
積忿怒之情輕釋凶則起陵慢之心何以則邊氓
獲安疆域無害乎爾等知安危之理識動靜之機
悉心以對

賜月山大君

以下并舊本

所答事具悉覓馬胎不難若以此得驗所惠實弘
者也予今遇愁痛之事多般施藥時無一效何恨

如之此意無盡不宣

又

清秋宴勲僚魚水一堂之歡何慶事如是之鴻也
予惟麟閣諸公以義合者也棠棣數位自天成者
也義以行乎外親以篤於內雖仰唐虞之治之隆
亦不過此然惟寡德何足以比乎萬萬之一一掉
寸舌顏厚倍常之矣然友于之情乾坤以來一道
而已今特賜親床及大膳三盤欲於一破寂耳

又

慈殿自去月晦日始稍有傷寒之證因茲寒熱進

退然不之大也予已召內院良醫議藥煎進顧思
自去夜證向平復然藥未停夜故停初五日宗儀
之宴而今朝 慈旨曰予無他慮身既平復亦不
欲飲藥而然有防微之計只欲數服耳且宗親之
相見歲不常有有時乎有之固不可停我保無他
慮也予親承 慈旨且咫尺 慈顏辭旨丁寧故
還命前儀云

又

頃日所進鮫綃拙書拙詩不負相言是所謂不食
言者也肯付詩題以備久忘且莫謝恩只愧流傳

於後世還爲識者之嗤於兄及子孫爲榮於吾及後世爲慙日暮多多不宣

又

予以薄福初逢罔極之危情心擾錯誰與何語然天顏有語韻音自如我心之喜如對春風我身之輕可到蒼穹卽議權櫜隨證進藥仰天心禱日月是待欲獲陰佑如捲雲霧精誠未古感激何遥舊惶未脫新證增纏至于昨昨足脚凸腫疼痛隨連竟宵呻吟動靜斯難吾心切切剖剖那堪且義皇之製創醫藥欲救蒼生天藥之禍世醫之學用方

藥實爲聖賢造化之功昔齊桓骨髓之病扁鵲先知晉景膏肓之疾名緩來懼以今觀之醫不如疇昔之良藥不見瞑眩之效吾心恨憤渴漢難消醫之不朽猶可以地世爲言藥之無功其何以歲月爲語哉然此腫與痛直因於傷而然耳固無他疑吾之語情蓋爲他事也惟兄眼直道當濶聞處亦該願訪他人墮傷後幾日幾旬浮腫與否以啓是宣

又

吾有一語兄其樂聽耶今聞西陵隨駕溫陽得承

休暇往觀礪山王氏正是有內旨兼重藝也時
惟二月歲屬三春柳垂線以絲絲花披錦以紅紅
何處而風光不動何往而公子無光念惟兄地切
璿籍國識君兄到處而貴隨時而樂礪山自溫陽
二日之程全州自礪山一息之路且全州故都吾
亦欲覽而心從事違不遑萬機何輕人主之動哉
兄之來往實與異矣兄若佳吾言吾當啓于大
妃先覲庶祖母留一日次往全州歷觀故都之路
遊覽山水之勝又與州府時接一談紅粧眩眼絲
管咽耳醉軒軒以選妓美姿華之紅艷徑留一日

極歡心志無奈樂與若此則吾當先爲尊兄教于
全牧路經諸邑略備支待以眎予待兄常日之意
也兄知吾意若欲往焉吾亦一語之譖路經公州
公州有妓有妓爲誰兄之來兄之來兄之來何者
最媚最媚何爲清歌一曲一曲一曲何待木瓜之
贈木瓜何覓代以合歡合歡名誰誓約之囊誓約
何時無復可望無可奈何兮飲泣而歸公州尚爾
他處可知歸來歸來兮吾問其名兄必笑諱其終
久乎久兮久兮亦知其數其數伊何非一卽二二
數何少非二卽三三數伊何又必有餘數問數之

間口似波瀾之裏吾必勸罰杯伊妓太多太多之
慚顛倒爲何欲不聞妓事樂兮樂兮此待兄之政
也

春日陳懷

予惟天覆地載入遊於中萬物之裏惟人極靈人
觀朝野方清乾坤不違南國草綠北嶺湖澄昇平
屬歲可云樂哉予觀古人於三月上巳踏青平原
溱洧之上以除不祥蘭亭脩禊第其一也安不忘
危古雖垂戒陳隋風月蓋可鑑矣大宋風流其誰
謗之昇平且憂亦似乖處予於三月巳欲設華宴

於尊堂之上張熊的於綠柳之間鶯聲啇於清歌
鼓音動於青山親戚相和誰云流蕩之端杯盤絡
繹可得春日之情心乎念矣何日忘之第慙兄之
不稱於私意也又無可歡之地可候之處然則雖
如夏渴安得泉匙乎幸陳常川之志非欲強爲之
念也是意斟酌得中義雖君臣恩實兄弟朝行大
義卿舉私情亦云美也哉

答前日所上箋

覲進華牋燭天庭光焰之可畏感輸悃款信老杜
文章之獨傳施手劃眼駭觀茲甚古人有師而受

藝今兄無惑而免愚蚍蜉撼樹雖自笑而昧其量也明章真予措辭欲敢學而忘不侔之霄壤縱當太平無事之日幸注依樣畫葫之才缺既忝於今時意敢傳乎來代惟兄風骨峻秀事業時中千里之驥不若羈絆之勞君子之儒須著文章之煥百金購書欲收拾之散亡一生逃咎乃爲善之最樂含情吐氣孰當兄之驚俗蹈古稽今誰出兄之發詞宜將奇偉魁梧之才固絀摘句尋章之質可廣銀梓之傳用箴子孫之喜是貴億載奚止百世

尊兄畫像贊

元氣之融泄之爲川瀆積之成山岳山川

之秀麗英靈萃之生人物而或粹且駁或

清與濁亦爲作一本所寓於其中蓋自唐虞

三代以迄漢宋五代歷論人物粲然青史

昭然洞目復何肆倡作一本題品於今日哉

予觀尊兄山川間氣華萼芳資風儀挺然

而秀志操蘄然而出真君子人也曩在戊

戌國家倣凌烟雲臺之義蹟乃命繪畫之

師寫功臣之影于忠勲府咸一本有以肖爲度欲以傳

千載而不朽亦示重其勲烈而榮于子孫

也而奈何兄之象

作一本像

獨失其真謬誤後

眼也歟表正則影自直源澄則流必澈兄
之容顏本乎性情安可忍以失真之色流
乎萬世而欺於子孫也哉玉雖隱璞不琢
蔽寶珠雖潜泥用摘能擎是以予初發改
圖之端輝然以成美澤之特見乎外也不
亦樂乎且因請記贊曰

溫溫玉質栗然縝密器範自天璿儀表帥肅穆盛
容璿璣煥瑟孳孳往賢乾乾終日孝以事親忠以
作臣履道無適尚德若人哲工運思粹姿逼真豁

如披霧絜瞻星辰琅琅尊哥昂昂獨鳴他人奚識
我愛篤誠心曾恢廓海濶天清文章陶鑄觸物混
成時接華萼友愛實深韞匱飄馥灼乎知心麒麟
鳳凰千載難尋風流氣像丹青合臨一顧明鏡撫
掌應驩何以爲樂澄瑩大觀玉壺秋露英炯猗蘭
天錫眉壽永保鴻霞

賜北征都元帥臣許琮

辛亥

今茲北征非是好大喜功而廷議紛紜莫適所主
予雖寡昧豈不思兵戰之凶危哉然用兵大事勢
不得已而朝中言者或以爲小寇常事不足與較

宜置度外至引以商宗之伐鬼方周宣之逐玁狁
高帝之困白登漢武之征四夷欲止此舉其於進
戒達懷之辭雖若善矣而當今出師問罪之義殆
不深究蠢茲北虜匪茹入寇侮慢大國肆行蜂蠆
之毒極逞豺狼之志無釁犯我屠將戮卒此豈天
心之所樂王法之不誅者耶肆興師旅聲罪致討
固非如貪土地好戰勝強驅無辜之氓於死地者
也且師有直壯辭直氣壯而民又知過不在上必
不以爲暴則虜衆雖強盛胡可畏也所謂有所不
戰戰必勝矣自古命將專制閫外苟非文武全材

何足以撫衆威敵詩不云乎文武吉甫萬邦爲憲
赫赫南仲玁狁于襄此今日元帥之任也東北之
事一以委卿可不勗哉今特賜劔卿豈不度是乃
宋祖征江南授劔曹彬之意也

諭永安道觀察使許琮

辛亥二月初九日

今聞

今聞實錄作人言

本道士馬號稱精強人民富盛鼠

竊狗偷之寇不容于懷

容于懷實錄作足慮也

而攻城略地

之賊亦足可禦而

實錄無而字

自庚辰赴戰以後人民

之盛士馬之強寢

實錄作浸

不如昔而

實錄無而字

爲邊將

者類多庸貪不體國家字撫之恩狃乎昇平專事

貨財不恤民隱以致人民流移而實錄無而字士馬之

不強亦未必不由於此錄自之至此十字實無只曰羸弱今若大

敵侵陵連年不解則勢將難禦北方之戍甚實錄作可

為寒心予聞此說憂慮方深嘗聞防戍南方最弱

方最弱實錄作界弱而北界庶界庶實錄作方精強而實錄無而字今觀

事生不圖至於此極厥由何哉事生不圖至於此極厥由何哉實錄

作邊事至此何耶實是君人不明用人失當之致然也顧

惟濟事之艱揀民之意實錄作惡須賴大賢而實錄無而字

苟非文武為德忠義立身安可以雄鎮方隅威服

夷虜耶實錄作乎惟卿資有無人志專經國更練世故

之多習知邊情之久雖選廷僚右卿誠甚而實錄無而

字欲責成實錄作來效何若何若實錄作無如久寄也孔子曰

苟有用我者三年有成聖人爲政奚爲實錄作待三年

之久而所以舉三年者蓋言其積累工夫治道大

備者也今已議大臣委卿東北建先定之規模盡

治邊之良策期以十年如班超羊祜之老於邊域

則沃野千里桑麻之富又何疑焉予欲相見當自

召之卿宜深體予懷勿憚勞於閫外務安黎庶用

成茂績共享太平故諭實錄無故諭二字

賜宴經筵官于廣延亭前示御書丁酉實錄出

同下

自古人君不學而能治國者鮮矣予以眇昧叨蒞
東土遑遑臨履今已八九年矣卿等咸勸力學欲
使我知進退存亡之幾曉治亂安危之迹其幾莫
過乎綱目數百卷之中而乃以教我其功不可不
酬是以今賜酒樂又賜物以示予尊師重道之意
春日可賞其各盡歡

諭平安道觀察使李崇元節度使李克均

癸卯

今觀卿等所啓已悉夷情大抵野人人面獸心苟
非恩以懷之威以畏之難可以致長久之安自古

待夷務循其情羈縻而已今者李亡可等出來求
鹽醬米布之時邊將舉義以答庶合事體而遽聽
譎說從而優給以乖事體然不可偏執以生邊釁
今後卿等令邊將悉予此意若有如此之人溫言
以待之據理以折之有可給因事以給之母以無
名而與之以啓無涯之欲

御書示入直軍士等

甲辰

皇天旣生萬姓無主乃亂命之君長以任字牧之

責自古帝帝

疑王

孰不以安民爲心然深居九重

不能盡知民事必委任監司守令使之承流宣化

然監司守令有賢有不賢其賢者則能體人主之意使民無愁歎之聲不賢者反是予雖不德矜民之心何可暫弛然外方之事其弊必多欲聞爾等陳弊惟爾八道之人皆來于此其悉陳之予將聽焉所當改者改之要使八道黎庶皆得安居樂業耳

御書答烏山君澍等

甲辰

水之行也源清則流清源濁則流濁間有源清而流濁者豈其性然也流而爲泥沙之所盪激則人見之以爲性濁也是豈真知水者夫人亦猶是也

天性本善而物欲蔽之而不自省悟至於顛覆而後已欲清其源無如學問是以別立試藝之法蓋欲礪其學而澄其源也予之篤親親之義不爲不至收丘史與笞杖之贖輕重殊焉宗親而加杖贖可乎若以收丘史爲重變而輕之則無識之輩皆以爲國家漸弛罰金相率而縱恣無忌矣然後收一二丘史亦何所懲乎予意以爲此法不可改也

賜弘文館酒魚

御書

丁未

爾等在經幄之中補予之所缺匡予之不逮予之重待爾等何俟言而後知歟予以憂旱不能寢食

惶惶不懈冀回天心而天恤斯民霈然降雨予心之喜曷可云喻茲賜以酒其各醉歡

下御書

已酉

聞權季同對策之辭予甚憤焉佛之爲害誰不知之稍有學力必舉其害况挾孔孟之書優游泮宮者乎以崇佛教民之語予今始聞之矣予嘗恨緇徒之逃避軍役投迹山林者未盡搜括大充軍額而如此狂儒對策以崇佛誑惑愚黎以此觀此儒之心梁武舍身同泰唐君膜拜露衿之事不以爲非而必贊一辭也士之立志寧有是耶不可不懲

手札教出陵行狀宣

宣陵行狀曰已酉正月鄉試對策有言祀佛禳禍者試官斥之

儒生對策之辭予甚憤焉佛之爲害誰不知之況學孔孟者耶孔子曰攻乎異端斯害也已孟子曰能言距楊墨者聖人之徒也程子曰佛氏之害甚於楊墨當如淫聲美色以遠之後之學者可不力察而明辨之乎予嘗恨緇徒蔑棄天常耗蠹民財將欲絕其根株扶植世教而今者儒生當國家舉賢之日不陳堯舜之道鼓唱浮屠之法是欲使予如梁武之捨身唐宗之膜拜而後已乎號爲儒者

猶尚如此况無識士女乎宜令有司推鞠屏諸遐
裔明示好惡

傳旨于議政府

已酉實錄下同

學莫先於立志心存乎正邪說何自而入耶恠力
亂神聖人所不語攻乎異端斯害之義學者所深
講也程子曰佛氏之害甚於楊墨當如淫聲義色
以遠之後之學者可不力察而明卞之乎今者訓
導權幸同居師表之地委不倦之誨於對策之日
先奉左道鼓禍福而眩愚氓忽洙泗之教要寂滅
之法不可不罪已令憲府拿致示典然釋氏之言

大亂真而彌近理故聰明之士方正之人或不免
於陷溺而况僻村窮巷昧理癡鄙之士女乎廣諭
中外明知予意

御書

已酉

金孝興

七十六
登第

霜飛兩鬢志杳青雲然不輟業遂

中科選豈惟勉於後生亦有罕乎古人宜授優秩
且賜衣食

又

已酉

自古帝王莫不重民事時有水旱惟當恐懼修省
敬答天心頃觀氣候朝暮淒涼旱徵已著憂心耿

耿辛蒙天貺時雨洽野今特遣大臣依唐朝盛事
出郊觀稼示民重農疊遣近臣宣慰大臣爾等咸
體予意極歡乃歸

御書下政院

己酉

古人秋夕翫月豈荒淫而然也歐陽詹翫月序云
秋之時後夏先冬八月於秋季始孟終十五於夜
又月之中稽於天時則寒暑均取於月數則蟾兔
圓埃瑳不流太空悠悠然則古人之翫月必有意
而無可譏也我國本無此風雖不可例以爲常一
時君恩適值佳節則有何礙耶踏青登高亦一時

之事矣今夕予欲賜酒樂於經筵堂上及出直承
旨注書弘文館藝文館選清涼之地樂太平之日
不亦美乎

諭平安道巡察使李鐵堅觀察使柳輕節度

使李朝陽

辛亥

今觀賊變其謀難測既失利於昌洲又摧鋒於自
作里慮或懷憤未洩俟便作耗守禦之方不可緩
也且帝王之師雖貴謀而後戰善兵之將用多策
而取勝今賊不退兵屯聚近障其心雖隱其迹易
見宜飭兵馬以待其變彼若肆毒不已當舉兵勦

滅誠如拉朽豈特邊將著勲實是生民永保益勵
心力更謹隄備

御札賜李克均 癸丑

卿久在邊場不遺備敵之策心懸北闕豈無覲君
之情夢寒戍樓莫效充國之智威行漠北特比衛
青之雄茲以賊畏授首歟迹覘隙防禦之事不可
少弛然冬雪已消春冰方解思欲見議問邊事卿
其中令邊將乘閑上來

諭許琮

庚子九月乙酉
續武定寶鑑下同 出

今知人馬不瘦困予甚嘉之近觀氣候不若霜甚

早而雪亦飄雨頻飛而風異寒每念征士之苦不堪解裘之懷而得覽此啓不覺喜笑元帥已周撫恤之恩士卒今忘凍餒之憂於此可以知無敵不克無功不成也然師期尚遠安盡予懷卿體予意蘊德施才圖收偉烈用享大福

諭西北面副元帥吳純

辛亥

今知人物被擄予甚惻然又甚怒焉建州之賊再寇失利蓄憤伺隙欲洩凶心卿與鎮將何不思之屢失邊馭俾吾赤子爲賊之奴西氓不得安枕近日之事誰任其咎被擄人畜備細推刷以啓倍加

防禦毋蹈前非

責諭西北面都元帥李克均

辛亥○出實錄下同

今觀賊變予不勝痛憤兵不可遙制事不可遙度
關西民兵之事卿嘗親履而目見之予選于朝鮮
有居卿之右者故既委卿西土佇待奇功而捷書
未至敗事先聞其於委任責成之意安在予不爲
卿喜也是雖諸將不遵元帥之令而致然元帥亦
豈得辭其責也吾氓之被擄已多而彼賊之侮國
益肆言之至此亦可流涕卿以虧損國威爲恨想
卿心必當如是而又以矜恤邊兵爲辭其意未審

也在當時安可以矜恤爲心而不嚴軍政耶有罪者罰之有功者賞之此元帥臨戎馭下之時也予豈不念邊役之勞苦耶秋高風勁益不忘吾民之不得安寢也如成大勲國家其緩酬功耶卿體予懷更盡風飛雷厲之志摧朽拉枯之術紓人主之憂垂竹帛之名

御札賜李克均

辛亥

今觀卿啓事變俱悉賊衆雖多我若密備江水方漲豈能飛渡且安能以者皮船濟五六百之兵耶然兵不可遙制卿與副元帥及諸將方竭心力日

圖良策予有何虞耶惟俟卿臨機制勝奏捷而已
卿體予懷毋失機會

諭三道體察使魚有沼

已亥十月癸酉○出
續武定寶鑑下同

天氣甚寒今又大雪想塞上尤苦言念三軍爲之
惻怛見可而進知難而退此固良將事卿爲三軍
司命其可不體予意冒危蹈險以傷我士卒乎師
出萬全是予本意卿其三思審度時勢酌其難易
毋輕進毋久留以全我士卒爲心以紓我西顧之
憂

諭平安道都元帥尹弼商

已亥十二月壬子

以此觀之則前日興師中國旣不信之雖再舉若不深入中國豈得知之卿須善處且於彼地所經處書以識之

中宗大王

詩

題天壽亭詩

出實錄

實錄曰乙未八月庚午動駕癸酉到齊陵行祀甲戌上在開城府丁丑至

天壽亭小畫停命招領議政金謹思左議政金安老傳曰自古君臣唱和亦云

非矣古有御製朝臣豈得不見也予平生不好製詩幸此古都千載一幸既拜

齊陵今日還宮喜何堪焉到此亭壁左右多寫飛字韻因步此韻以示予懷

千峯萬壑似雲飛五宿松京今日歸望遠山光鋪

錦褥觀光皆是古人非

贈延安府使金季愚

見臣尹斗壽延安志

壬午癸未年間 潛邸時
所作臣季愚嘗經侍學

貴府東亭聚遠樓名流千載不堪休春花秋月添
人樂蝶舞鶯歌解客愁青草湖前黃雀戲金蓮浦
上碧波流錢塘勝景都存此太守乘閑賞釣舟

叅判李瓊全墓表陰刻

出臣瓊全墓表印本

完山仙李遠扶疎名曰瓊全字玉如三折桂枝操
翰墨四登烏府草章疏銀臺賜履添帷幄金櫃抽
書注起居天地春秋官徧歷庶全忠孝返真廬

中宗大王

文

賜祭坡山府院君尹之任文

甲午○出臣之任神道碑銘

惟靈松竹其標冰玉其質世襲貂蟬在卿煇赫畜
祥毓慶乃生賢妃爲國之舅先生門楣福履所萃
宜享期頤如何一疾遽至於斯初聞訃音將信將
疑天奪之速痛結中情已矣於世空想儀形乃遣
中官恭奠菲儀靈其有知冀一歆之

碑文曰至降御製遣中官別祭其辭曰
云云宸章燦爛聖情昭回此又臣子

未敢望萬一於
君上者也

列聖御製卷之六





穀

聖

二